

道經古本篇上

卷二

唐太史令傅奕校定

道可道非常道名可名非常名無名天地之始有名萬物之母故常無欲以觀其妙常有欲以觀其微此兩者同出而異名同謂之玄玄之又玄衆妙之門

右第一章五十九言

天下皆知美之為美斯惡已皆知善之為善斯不善已故有無之相生難易之相成長短之相形高下之相傾音聲之相和前後之相隨是以聖人處無為之事行不言之教萬物作而不為始生而不有為而不恃功成不處夫惟不處是以不去

右第二章九十三言

不尚賢使民不爭不貴難得之貨使民不為盜不見可欲使民心不亂是以聖人之治也虛其心實其腹弱其志彊其骨常使民無知無欲使夫知者不敢為為無為則無不為矣

右第三章六十八言

道盈而用之又不足淵兮似萬物之宗挫其

銳解其紛和其光同其塵湛兮似或存吾不知誰之子象帝之先

右第四章四十二言

天地不仁以萬物為芻狗聖人不仁以百姓為芻狗天地之間其猶橐籥乎虛而不動動而俞出多言數窮不如守中

右第五章四十五言

谷神不死是謂玄牝玄牝之門是謂天地之根綿綿若存用之不勤

右第六章二十六言

天長地久天地所以能長且久者以其不自生故能長生是以聖人後其身而身先外其身而身存不以其無私邪故能成其私

右第七章四十九言

上善若水水善利萬物而不爭居衆人之所惡故幾於道矣居善地心善淵與善人言善信政善治事善能動善時夫惟不爭故無尤矣

右第八章五十二言

持而盈之不如其已

不可長保金玉滿室莫之能守富貴而驕自遺其咎成名功遂身退天之道

右第九章四十一言

載營鬼虺一能無離乎專氣致柔能如嬰兒乎滌除玄覽能無疵乎愛民治國能無以知乎天門闔闔能為雌乎明白四達能無以爲乎生之畜之生而不有為而不恃長而不宰是謂玄德

右第十章七十二言

三十輻共一轂當其無有車之用埴埴以爲器當其無有器之用鑿戶牖以爲室當其無有室之用故有之以爲利無之以爲用

右第十一章四十九言

五色令人目盲五音令人耳聾五味令人口爽馳騁田獵令人心發狂難得之貨令人行妨是以聖人爲腹不爲目故去彼取此

右第十二章四十九言

寵辱若驚貴大患若身何謂寵辱若驚寵爲下得之若驚失之若驚是謂寵辱若驚何謂貴大患若身吾所以有大患者爲吾有身苟

吾無身吾有何患乎故貴以身為天下者則可以託天下矣愛以身為天下者則可以寄天下矣

右第十三章八十八言

視之不見名曰夷聽之不聞名曰希搏之不得名曰微此三者不可致詰故混而為一者其上之不燬其下之不昧繩子不可名復歸於無物是謂無狀之狀無物之象是謂芴芒迎之不見其首隨之不見其後執古之道可以御今之有能知古始是謂道紀

右第十四章一百言

古之善為道者微妙玄通深不可識夫惟不可識故彊為之容曰豫兮若冬涉川猶兮若畏四鄰儼若客渙若冰將釋敦兮其若樸曠兮其若谷混兮其若濁孰能濁以澄靖之而徐清孰能安以久動之而徐生保此道者不欲盈夫惟不盈是以能敝而不成

右第十五章九十八言

致虛極守靖篤萬物並作吾以觀其復凡物能歸各歸其根歸根曰靖靖曰復命復命曰

常知常曰明不知常妄作凶知常容容乃公公乃王王乃天天乃道道乃久沒身不殆

右第十六章六十七言

太上知有之其次親之其次譽之其次畏之其次侮之故信不足焉有不信猶兮其貴言哉功成事遂百姓皆曰我自然

右第十七章四十七言

大道廢焉有仁義智慧出焉有大偽六親不和有孝慈國家昏亂有貞臣

右第十八章二十八言

絕聖棄知民利百倍絕仁棄義民復孝慈絕巧棄利盜賊無有此三者以為文而未足也故今有所屬見素衷朴少私寡欲

右第十九章四十七言

絕學無憂唯之與阿相去幾何美之與惡相去何若人之所畏不可不畏荒兮其未央衆人熙熙若享太牢若春登臺我獨鬼兮其未兆若嬰兒之未咳偃偃兮其不足以無所歸衆人皆有餘我獨若遺我愚人之心也哉沌沌沌沌切兮俗人皆昭昭我獨若昏俗人皆

營營我獨若閑閑美昆切集韻淡兮其若海飄兮似無所止衆人皆有以我獨頑且固吾獨欲異於人而貴食母

右第二十章一百三十七言

孔德之容惟道是從道之為物惟芒惟芴芴兮芒兮其中有象芒兮芴兮其中有物幽兮冥兮其中有精其精其真其中有信自今及古其名不去以閱衆甫吾奚以知衆甫之然哉以此

右第二十一章七十一言

曲則全枉則正窪則盈敝則新少則得多則感聖人哀一以為天下式不自見故明不自是故彰不自伐故有功不自矜故長夫惟不爭故天下莫能與之爭古之所謂曲則全者豈虛言也哉誠全而歸之

右第二十二章七十八言

稀言自然故飄風不崇朝驟雨不崇日孰為此者天地也天地尚不能久而況於人乎故從事於道者道者同於道從事於得者得者同於得從事於失者失者同於失於道者道

亦得之於得者得亦得之於失者失亦得之信不足焉有不信

右第二十三章九十二言

企者不立跨者不行自見者不明自是者不彰自伐者無功自矜者不長其在道也曰餘

食贄行物或惡之故有道者不處也

右第二十四章四十八言

有物混成先天地生寂兮冥兮獨立而不改周行而不殆可以為天下母吾不知其名故彊字之曰道彊為之名曰大大曰逝逝曰遠遠曰返道大天大地大人亦大域中有四大而王處其一尊人法地地法天天法道道法自然

右第二十五章八十七言

重為輕根靖為躁君是以君子終日行不離其輻重雖有榮觀宴處超然如之何萬乘之主而以身輕天下輕則失本躁則失君

右第二十六章四十九言

善行者無微迹善言者無瑕譎善數者無籌策善閉者無關鍵而不可開善結者無繩約

而不可解是以聖人常善救人故人無棄人常善救物故物無棄物是謂襲明故善人者不善人之師不善人者善人之資不貴其師不愛其資雖知大達此謂要妙

右第二十七章九十七言

知其雄守其雌為天下谿為天下谿常德不離復歸於嬰兒知其白守其黑為天下式為天下式常德不忒復歸於無極知其榮守其辱為天下谷為天下谷常德乃足復歸於樸樸散則為器聖人用之則為官長大制無割

右第二十八章八十五言

將欲取天下而為之者吾見其不得已夫天下神器不可為也為者敗之執者失之凡物或行或隨或噤或吹或澀或判或培或墜是以聖人去甚去奢去泰

右第二十九章六十言

以道佐人主者不以兵彊天下其事好還師之所處荆棘生焉大軍之後必有凶年故善者果而已矣不敢以取彊馬果而勿矜果而勿伐果而勿驕果而不得已是果而勿彊物

壯則老是非謂非道非道早已

右第三十章七十九言

夫美兵者不祥之器物或惡之故有道者不處是以君子居則貴左用兵則貴右兵者不祥之器非君子之器不得已而用之以恬澹為上故不美也若美必樂之樂之者是樂殺人也夫樂人殺人者不可以得志於天下矣故吉事尚左凶事尚右是以偏將軍處左上將軍處右言居上勢則以喪禮處之殺人衆多則以悲哀泣之戰勝者則以喪禮處之

右第三十一章一百三十五言

道常無名樸雖小天下莫能臣王侯若能守萬物將自賓天地相合以降甘露民莫之令而自均焉始制有名名亦既有夫亦將知止知止所以不殆譬道之在天下猶川谷之與江海也

右第三十二章七十一言

知人者智也自知者明也勝人者有力也自勝者彊也知足者富也彊行者有志也不失其所者久也死而不亡者壽也

右第三十三章四十六言

大道汎汎兮其可在右萬物恃之以生而不辭功成而不居衣被萬物而不為主故常無欲可名於小矣萬物歸之而不知主可名於大矣是以聖人能成其大也以其終不自大故能成其大

右第三十四章七十三言

執大象者天下往往而不害安平泰樂與餌過客止道之出言淡兮其無味視之不足見聽之不足聞用之不可既

右第三十五章四十四言

將欲翕之必固張之將欲弱之必固彊之將欲廢之必固興之將欲奪之必固與之是謂微明柔之勝剛弱之勝彊魚不可悅於淵邦之利器不可以示人

右第三十六章五十九言

道常無為而無不為王侯若能守萬物將自化化而欲作吾將鎮之以無名之樸無名之樸夫亦將不欲不欲以靖天下將自正

右第三十七章四十九言 篇上終

德經古本篇下

唐太史令傅奕校定

上德不德是以有德下德不失德是以無德上德無為而無不為下德為之而無以為上仁為之而無以為上義為之而有以為上禮為之而莫之應則攘臂而仍之故失道而後德失德而後仁失仁而後義失義而後禮夫禮者忠信之薄而亂之首也前識者道之華而愚之始也是以大丈夫處其厚不處其薄處其實不處其華故去彼取此

右第三十八章一百三十一言

昔之得一者天得一以清地得一以寧神得一以靈谷得一以盈萬物得一以生王侯得一以為天下貞其致之一也天無以清將恐裂地無以寧將恐發神無以靈將恐歇谷無以盈將恐竭萬物無以生將恐滅王侯無以為貞而貴高將恐蹙故貴以賤為本高以下為基是以王侯自謂孤寡不穀是其以賤為本也非歟故致數譽無譽不欲碌碌若玉落落若石

右第三十九章一百三十九言

反者道之動弱者道之用天下之物生於有有生於無

右第四十章二十一言

上士聞道而勤行之中士聞道若存若亡下士聞道而大笑之不足以為道故建言有之曰明道若昧夷道若類進道若退上德若谷大白若踣廣德若不足建德若媮質真若輸大方無隅大器晚成大音稀聲大象無形道隱無名夫惟道善貸且成

右第四十一章九十七言

道生一一生二二生三三生萬物萬物負陰而裹陽沖氣以為和人之所惡惟孤寡不穀而王侯以自稱也故物或損之而益或益之而損人之所以教我亦我之所以教人彊梁者不得其死吾將以為學父

右第四十二章七十九言

天下之至柔馳騁天下之至堅出於無有入於無間吾是以知無為之有益也不言之教無為之益天下稀及之矣